

**JAVNA USTANOVA DOM ZDRAVLJA
KANTONA SARAJEVO
GENERALNI DIREKTOR**

Broj 01-03-3673-6/17

Dana, 16.05.2018. godine

Sarajevo, Vrazova 11

Na osnovu člana 70. stav (1),(3) i (6) Zakona o javnim nabavkama ("Službeni glasnik BiH" broj 39/14), člana 38. Statuta Javne ustanove Dom zdravlja Kantona Sarajevo ("Službene novine Kantona Sarajevo" broj 40/13, 20/16), člana 17. Pravilnika o procedurama javnih nabavki i stvaranju ugovornih obaveza u Javnoj ustanovi Dom zdravlja Kantona Sarajevo i Preporuke Komisije za javne nabavke broj 01-08-3673-5/15 od 11.05.2018. godine, generalni direktor donosi sljedeću

ODLUKU

**o izboru ponuđača Medical d.o.o Mostar
u postupku nabavke broj OP-16/18**

I

Ugovor o nabavci u otvorenom postupku javne nabavke broj OP-16/18, sa predmetom nabavke **Ultrazvučni aparat color doppler** za potrebe Javne ustanove Dom zdravlja Kantona Sarajevo, dodjelit će se ponuđaču: **Medical d.o.o. Mostar**.

II

Po okončanju roka za žalbu, ugovorni organ će pozvati izabranog ponuđača radi zaključenja odgovarajućeg ugovora kojim će se regulisati međusobna prava i obaveze vezane za predmetnu nabavku shodno uslovima ugovornog organa navedenim u tenderskoj dokumentaciji i zakonskim propisima koji regulišu postupak ugovaranja.

III

Ova odluka objavit će se na web-stranici web: <http://www.judzks.ba>, istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

IV

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke.

Obrazloženje

Odlukom broj 01-03-3673/18 od 16.04.2018. godine, pokrenut je otvoreni postupak sa predmetom nabavke ultrazvučni aparat color doppler za potrebe JU Dom zdravlja Kantona Sarajevo.

Obavještenje o nabavci objavljeno je na Portalu javnih nabavki dana 19.04.2018. godine pod brojem 29-1-1-16-3-35/18.

Kriteriji za vrednovanje "ekonomski najpovoljnija ponuda" utvrđen je tenderskom dokumentacijom ugovornog organa.

Dostavljene su ponude u skladu sa kriterijem kako slijedi:

r/b	Ponudač	Ponuđena vrijednost sa PDV-om	Rok isporuke (u danima)	Garantni rok (u mjesecima)
1.	Shimadzu doo Sarajevo	40.365,00	10	25
2.	Medical doo Mostar	47.385,00	10	36

Komisija je konstatovala da su do zakazanog termina, pristigle dvije ponude i da je provjerom uslova za kvalifikaciju konstatovano da je za postupak OP-16/18 sa predmetom nabavke – ultrazvučni aparat color doppler kvalifikovan ponudač **Medical d.o.o. Mostar**, te da isti ispunjava zahtjeve ugovornog organa.

Nakon što je Komisija utvrdila kvalifikovanost dostavljenih ponuda, utvrđena je rang lista sa ponuđenim cijenama kako slijedi:

Rang/ lista	Ponudač	Ponuđena vrijednost sa PDV-om u KM	Rok isporuke (u danima)	Garantni rok (u mjesecima)	Broj bodova
1.	Medical doo Mostar	47.385,00	10	36	70,00+10,00+20,00=100,00 bodova

Cijeneći navedenu rang listu i kriterij vrednovanja ponuda – ekonomski najpovoljnija ponuda, te kriterij za vrednovanje sa ukupnim brojem bodova 100,00, Komisija je jednoglasno dala preporuku generalnom direktoru da dodjeli ugovor ponudaču **Medical d.o.o Mostar**, čija ponuda ispunjava sve tražene uslove, za vrijednost sa uračunatim PDV-om (17%) u visini od **47.385,00 KM**

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocijenu kvalificiranosti ponuđača te ocijenu prispjelih ponuda, shodno kriteriju iz Tenderske dokumentacije.

U postupku ocjene provedenog postupka, generalni direktor nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku. Ocijenjeno je da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Shodno navedenom, generalni direktor Javne ustanove Dom zdravlja Kantona Sarajevo, donosi odluku kao u dispozitivu.

PRAVNA POUKA: Ponuđač koji smatra da je ugovorni organ prekršio odredbe Zakona o javnoj nabavci, ima pravo uložiti žalbu ugovornom organu, u roku od 10 (deset) dana od dana prijema Odluke o izboru najpovoljnijeg ponuđača. Žalba se izjavljuje ugovornom organu u pisanoj formi u dovoljnom broju primjeraka koji ne može biti manji od tri.

Dostaviti:

- **Shimadzu doo Sarajevo**
- Ul. Tešanjaska br. 7 , 71000 Sarajevo
- **Medical doo Mostar**
- Ul. M. Tita br.237, 88000 Mostar
- **Javne nabavke**
- **a/a**

GENERALNI DIREKTOR

Mr. sci. med. prim. dr. Fuad Husić
spec. porodične/obiteljske medicine
